



Tē 6 kî 2001/3/20

2000 nî 5 gôeh 20 chhòng-khan

- ◆ Chóng-pian-chip
- ◆ Pian-chip kap Khan-thâu Siat-kè
- ◆ Publisher

*Tē<sup>n</sup> Si-chong  
Koa Khá-lē  
Ko-hiōng Tâi-gí Lô-má-jī Gián-síp-hōe*

### *Tâi-gí-pan ê Ōe*

Tiu<sup>n</sup> Hók-chû Hôe-tiú<sup>n</sup>

Tí lán ê Tâi-gí Chho-kip-pan, siōng-khò ū 3-ê kui-kí sī lán it-tít teh kiōng-tiāu..ê, chiū-sī: **chún-sī chún-hun, cheng-bit kap kóng chhiò-khoe.**

Lán án-ne kiōng-tiāu tàu-té ū sím-mih i-gī?

Hóe-chchia nā bô chiàu sī-kan kàu chām, Tâi-gí kóng sī hóe-chchia bān-hun, Hôa-gí kóng sī “火車誤點”. Hun kap tiám e cheng-chha sī 60 pōe! Tâi-ôan-lâng pī Jit-pún thóng-tī m̄-sī lán ka-kí thó..ê, sī bô tāi bô chì pī Tiong-kok chhut-bē..ê! Chóng-sī lán hō lâng kà liáu mā chai-iá<sup>n</sup> thang chìn-pō. Che sī lán hù-chhut siong-tong tōa ê tāi-kè chiah tit--tiòh..ê. Chiàu tō-lí kóng lán tiā<sup>n</sup>-tiòh ài hó-hó tin-sioh. M̄-kú KMT lâi liáu koh kā lán thoa āu-kha, hō lán chìn-pō ê bûn-hòa tò-thè-lu! Nā beh kiōng-tiāu sī-kan cheng-bit lóng kóng “chún-sī”! Che sī tōa thè-pō ! M̄-chiah lán chit-má ài koh kiōng-tiāu “chún-sī chún-hun”!

Cheng-bit sī kho-hák ê ki-pún iàu-kiû. Siá TOJ/LMJ chòat-tùi ài chin cheng-bit. Lí nā-sī sia<sup>n</sup>-tiāu siá m̄-tiòh, chiū sng m̄-tiòh. Che chiū-sī cheng-bit. Siá bûn-chiu<sup>n</sup> á-sī kóng-ōe, ke chit-jī/kù piàn siu<sup>n</sup> lo-so; kiám chit-jī/kù piàn i-sù bô chheng-chhó. Bô ōe-sái, mā bô jī-sái. Che chiū-sī cheng-bit! Lán ê thâu-khak nā jú cheng-bit, lán e su-khó chiū jú cheng-bit. Su-khó jú cheng-bit, chò tāi-chì sêng-kong ê ki-hōe chiū ê jú tōa! Nā-sī su-khó hâm-hō koh chò-sū ê sêng-kong, khióng-kia<sup>n</sup> sī “nî-kō chò móa-gòeh”--sè-kan hán-iú!

Kóng chhiò-khoe sī Tâi-ôan-lâng khah khiàm-khoat ê pún-sū. Eng-gí ê “humor” tī Tâi-gí beh án-chóá<sup>n</sup> kóng? Bô ōe-sû thang kóng! In-ūi Tâi-ôan-lâng chiāh-pñg to ū bûn-tê, ná-ē kóng chhiò-khoe? Hôan-sè ū lâng ê kā góa khòng-gí, Tâi-ôan-lâng chin gâu kóng chhiò, lí kiám m̄-chai? Phái<sup>n</sup>-sè, kóng chhiò m̄-sī humor! Phô-thong lán thia<sup>n</sup> lâng kóng chhiò sī kóng hàm-kó ê i-sù. In-ūi chit-ê iân-kò, lán tī khò-pún lāi-té siá 100 phi<sup>n</sup> chhiò-khoe, hō hák-seng chò thák-mih. Chit hong-bîn ôh thák TOJ, chit hong bîn pôe-ióng sense of humor. Hi-bâng 21 sè-kí ê Tâi-ôan-lâng ê-tàng tī chit-tah chia jiok-tiòh Se-kok-lâng!